

Státuens in parte dextra.

Confutátis maledictis,
Flammis ácribus addictis,
Voca me cum benedictis.

Oro supplex et acclínis,
Cor contrítum quasi cinis,
Gere curam mei finis.

Lacrymósa dies illa,
Qua resúrget ex favilla
Judicándus homo reus.

Huic ergo parce, Deus :
Pie Jesu Dómine,
Dona eis réquiem. Amen.

✠ **S**equéntia sancti Evangélii secúndum Joánnem. **c. 6.**

IN illo témpore : Dixit Jesus turbis Judæórum : Omne, quod dat mihi Pater, ad me véniet : et eum, qui venit ad me, non ejiciam foras : quia descéndi de cælo, non ut fáciam voluntátem meam, sed voluntátem ejus, qui misit me. Hæc est autem voluntas ejus, qui misit me, Patris : ut omne, quod dedit mihi, non perdam ex eo, sed resúscitem illud in novissimo die. Hæc est autem voluntas Patris mei, qui misit me : ut omnis, qui videt Filium, et credit in eum, hábeat vitam ætérnam, et ego resuscitábo eum in novissimo die.

Offertorium. Dómine Jesu Christe, Rex glóriæ, libera ánimas ómnium fidélium defunctorum de pœnis inférni, et de profúndo lacu : libera eas de ore leónis, ne absórbeat eas tártarus, ne cadant in obscúrum : sed signifer sanctus Michael repræséntet eas in lucem sanctam : **Q**uam olim Abrahæ promisisti, et sémini ejus. **ŷ.** Hóstias et preces tibi, Dómine, laudis offerimus : tu súscipe pro animábus illis, quarum hódie memóriam fácimus : fac eas, Dómine, de morte transire ad vitam. **Q**uam olim Abrahæ promisisti, et sémini ejus.

Secreta.

PROPITIARE, Dómine, supplicatióibus nostris, pro animábus famulórum famularúmque tuárum, quo-

rum hódie ánnua dies ágitur, pro quibus tibi offerimus sacrificium laudis : ut eas Sanctórum tuórum consórtio sociáre dignéris. Per Dóminum.

Si pro uno fiat, dicatur sequens Secreta.

PROPITIARE, Dómine, supplicatióibus nostris, pro ánima famuli tui (vel famulæ tuæ), cujus hódie ánnua dies ágitur, pro qua tibi offerimus sacrificium laudis : ut eam Sanctórum tuórum consórtio sociáre dignéris. Per Dóminum.

Communio. Lux ætérna luceat eis, Dómine, **C**um Sanctis tuis in ætérnum : quia pius es. **ŷ.** Réquiem ætérnam dona eis, Dómine : et lux perpétua luceat eis. **C**um Sanctis tuis in ætérnum : quia pius es.

Postcommunio.

PRESTA, quæsumus, Dómine : ut animæ famulórum famularúmque tuárum, quorum anniversárium depositiõnis diem commemorámus, his purgátæ sacrificiis, indulgéntiam páriter et réquiem cápian sempitérnam. Per Dóminum.

Si pro uno fiat, dicatur sequens Postcommunio.

PRESTA, quæsumus, Dómine : ut animæ famuli tui (vel famulæ tuæ), cujus anniversárium depositiõnis diem commemorámus, his purgátæ sacrificiis, indulgéntiam páriter et réquiem cápiat sempitérnam. Per Dóminum.

IN MISSIS QUOTIDIANIS DEFUNCTORUM.

Introitus.

RÉQUIEM ætérnam dona eis, Dómine : et lux perpétua luceat eis. **Ps. 64.** Te decet hymnus Deus in Sion, et tibi reddetur votum in Jerúsalem : exáudi oratiõnem meam, ad te omnis caro véniet. **R**équiem ætérnam dona eis, Dómine : et lux perpétua luceat eis.

Pro Defunctis Episcopis, seu Sacerdotibus, Oratio.

DEUS, qui inter apostólicos sacerdotes, famulos tuos pöntificáli, seu sacerdotáli, fecisti dignitáte vigére : præsta, quæsumus ; ut eórum quoque perpétuo aggregéntur consórtio. Per Dóminum.

Pro defunctis fratribus, propinquis, et benefactoribus, Oratio.

DEUS, véniæ largitor, et humanæ salutis amátor, quæsumus cleméntiam tuam : ut nostræ congregatiõnis fratres, propinquos, et benefactóres, qui ex hoc sæculo transiérunt, beáta María semper Virgine intercedente cum ómnibus Sanctis tuis, ad perpétuæ beatitudinis consórtium pervenire concédas.

Pro omnibus fidelibus defunctis, Oratio.

FIDELIUM Deus ómnium Cónditor et Redemptor, animábus famulórum famularúmque tuárum remissionem cunctórum tribue peccatórum : ut indulgéntiam, quam semper optavérunt, piis supplicatiõibus consequántur. Qui vivis et regnas cum Deo Patre in unitáte Spiritus sancti Deus.

Lectio libri Apocalypsis beáti Joánnis Apóstoli. **c. 14.**

IN diébus illis : Audivi vocem de cælo, dicéntem mihi : Scribe : Beáti mórtui, qui in Dómino moriúntur. Amodo jam dicit Spiritus, ut requiéscant a labóribus suis : ópera enim illórum sequúntur illos.

Graduale. Réquiem ætérnam dona eis, Dómine : et lux perpétua luceat eis. **ŷ. Ps. 111.** In memória ætérna erit justus : ab auditiõne mala non timébit.

Tractus. Absólve, Dómine, ánimas ómnium fidélium defunctorum ab omni vínculo delictórum. **ŷ.** Et grátia tua illis succurrénte, mereántur evádere júdicium ultiónis. **ŷ.** Et lucis ætérnæ beatitudíne pérfrui.

Sequentia ad arbitrium Sacerdotis.

DIES iræ, dies illa,
Solvét sæclum in favilla,
Teste David cum Sibylla.
Quantus tremor est futúrus,
Quando Judex est ventúrus,
Cuncta stricte discussúrus!
Tuba mirum spargens sonum
Per sepúlchra regiónum,
Coget omnes ante thronum.
Mors stupébit, et natúra,
Cum resúrget creatúra,
Judicánti responsúra.
Liber scriptus proferétur,
In quo totum continétur,
Unde mundus judicétur.
Judex ergo cum sedébit,
Quidquid latet, apparébit :
Nil inúltum remanébit.

Quid sum miser tunc dictúrus?
Quem patrónum rogáturus,
Cum vix justus sit secúrus?

Rex treméndæ majestátis,
Qui salvándos salvas gratis,
Salva me, fons pietátis.

Recordáre, Jesu pie,
Quod sum causa tuæ viæ :
Ne me perdas illa die.
Quærens me, sedisti lassus :
Redemísti, crucem passus :
Tantus labor non sit cassus.

Juste judex ultiónis,
Donum fac remissionis
Ante diem ratiõnis.

Ingemisco tamquam reus :
Culpa rubet vultus meus :
Supplicánti parce, Deus.

Qui Mariám absolvisti,
Et latrónem exaudisti,
Mihi quoque spem dedisti.

Preces meæ non sunt dignæ,
Sed tu bonus fac benigne,
Ne perénni cremer igne.

Inter oves locum præsta,
Et ab hædis me sequéstra,
Státuens in parte dextra.

Confutátis maledictis,
Flammis ácribus addictis,
Voca me cum benedictis.

Oro supplex et acclinis,
Cor contritum quasi cinis,
Gere curam mei finis.

Lacrymósa dies illa,
Qua resúrget ex favilla
Judicándus homo reus.

Huic ergo, parce, Deus:
Pie Jesu Dómine,
Dona eis réquiem. Amen.

✠ **S**equéntia sancti Evangélii secúndum Joánnem. **c. 6.**

In illo témpore : Dixit Jesus turbis Judæórum : Ego sum panis vivus, qui de cælo descéndi. Si quis manducáverit ex hoc pane, vivet in ætérnum : et panis, quem ego dabo, caro mea est pro mundi vita. Litigábant ergo Judæi ad invicem, dicéntes : Quómodo potest hic nobis carnem suam dare ad manducándum? Dixit ergo eis Jesus : Amen, amen dico vobis : Nisi manducavéritis carnem Filii hóminis, et bibéritis ejus sánguinem, non habébitis vitam in vobis. Qui mandúcat meam carnem, et bibit meum sánguinem, habet vitam ætérnam : et ego resuscitábo eum in novíssimo dñe.

Offertorium. Dómine Jesu Christe, Rex glóriæ, libera ánimas ómnium fidélium defunctorum de pœnis inférni, et de profúndo lacu : libera eas de ore leónis, ne absórbeat eas tártarus, ne cadant in obscúrum : sed signifer sanctus Michael repræséntet eas in lucem sanctam : **Q**uam olim Abrahæ promisisti, et sémini ejus. **V.** Hóstias et preces tibi, Dómine, laudis offérimus : tu súscipe pro animábus illis, quarum hódie memóriam fácimus : fac eas, Dómine, de morte transire ad vitam. **Q**uam olim Abrahæ promisisti, et sémini ejus.

Pro Defunctis Episcopis, seu Sacerdotibus, Secreta.

SUSCIPE, Dómine quæsumus, pro animábus famulórum tuórum Pontificum, seu Sacerdotum, quas offérimus hóstias : ut, quibus in hoc sæculo Pontificále, seu Sacerdotále, donásti

méritum, in cœlesti regno Sanctórum tuórum júbeas jungi consórtio. Per Dóminum.

Pro defunctis fratribus, propinquis, et benefactoribus, Secreta.

DEUS, cujus misericórdiæ non est númerus, súscipe propítius preces humilitátis nostræ : et animábus fratrum, propinquórum, et benefactorum nostrórum, quibus tui nóminis dedísti confessiónem, per hæc sacraménta salutis nostræ, cunctórum remissionem tribue peccatórum.

Pro omnibus fidelibus defunctis, Secreta.

HOSTIAS, quæsumus Dómine, quas tibi pro animábus famulórum famularúmque tuárum offérimus, propitiátus inténde : ut, quibus fidei christiánæ méritum contulisti, dones et præmium. Per Dóminum.

Communio. Lux ætérna luceat eis, Dómine, **C**um Sanctis tuis in ætérnum : quia pius es. **V.** Réquiem ætérnam dona eis, Dómine : et lux perpétua luceat eis. **C**um Sanctis tuis in ætérnum : quia pius es.

Pro defunctis Episcopis, seu Sacerdotibus, Postcommunio.

PROSIT, quæsumus Dómine, animábus famulórum tuórum Pontificum, seu Sacerdotum, misericórdiæ tuæ imploráta cleméntia : ut ejus, in quo speravérunt, et crediderunt, ætérnum cápiant, te miseránte, consórtium. Per Dóminum.

Pro defunctis fratribus, propinquis, et benefactoribus, Postcommunio.

PRÆSTA, quæsumus omnipotens et misericors Deus : ut animæ fratrum, propinquórum, et benefactorum nostrórum, pro quibus hoc sacrificium laudis tuæ obtúlimus majestáti ; per hujus virtútem sacraménti a peccátis ómnibus expiátæ, lucis perpétuæ, te miseránte, recipiant beatitúdinem.

Pro omnibus fidelibus defunctis, Postcommunio.

ANIMABUS, quæsumus Dómine, famulórum famularúmque tuárum oratio proficiat supplicántium : ut eas et a peccátis ómnibus éxuas, et tuæ redemptionis fácias esse partícipes. Qui vivis et regnas.

¶ **Epistolæ et Evangelia, superius posita in una Missa pro Defunctis, dici possunt etiam in alia Missa similiter pro Defunctis.**

ORATIONES DIVERSÆ PRO DEFUNCTIS.

¶ **In die depositionis, et anniversario summi Pontificis dicitur prima Missa, ut supra. 17. præter Orationes, quæ dicuntur ut infra.**

Oratio.

DEUS, qui inter summos Sacerdotes famulum tuum **N.** ineffábili tua dispositióne connumerári voluisti : præsta quæsumus ; ut, qui unigéniti Filii tui vices in terris gerébat, sanctórum tuórum Pontificum consórtio perpétuo aggregétur. Per eúndem Dóminum.

Secreta.

SUSCIPE, Dómine quæsumus, pro ánima famuli tui **N.** summi Pontificis, quas offérimus hóstias : ut, cui in hoc sæculo Pontificále donásti méritum, in cœlesti regno Sanctórum tuórum júbeas jungi consórtio. Per Dóminum.

Postcommunio.

PROSIT, quæsumus Dómine, animæ famuli tui **N.** summi Pontificis, misericórdiæ tuæ imploráta cleméntia : ut ejus, in quo sperávit et credidit, ætérnum cápiat, te miseránte, consórtium. Per Dóminum.

¶ **Pro defuncto Episcopo dicitur prima Missa, supra. 17. Orationes vero ut infra.**

Oratio.

DEUS, qui inter Apostólicos sacerdotes, famulum tuum **N.** Pontificáli fecisti dignitáte vigére : præsta quæ-

sumus ; ut eórum quoque perpétuo aggregétur consórtio. Per Dóminum.

Secreta.

SUSCIPE, Dómine quæsumus, pro ánima famuli tui **N.** Pontificis, quas offérimus hóstias : ut, cui in hoc sæculo Pontificále donásti méritum, in cœlesti regno Sanctórum tuórum júbeas jungi consórtio. Per Dóminum.

Postcommunio.

PROSIT, quæsumus Dómine, animæ famuli tui **N.** Pontificis, misericórdiæ tuæ imploráta cleméntia : ut ejus, in quo sperávit et credidit, ætérnum cápiat, te miseránte consórtium. Per Dóminum.

Pro Episcopo Cardinali defuncto, Oratio.

DEUS, qui inter Apostólicos sacerdotes, famulum tuum **N.** Episcopum Cardinalem Pontificáli fecisti dignitáte vigére : præsta quæsumus ; ut eórum quoque perpétuo aggregétur consórtio. Per Dóminum.

Secreta.

SUSCIPE, Dómine quæsumus, pro ánima famuli tui **N.** Pontificis Cardinalis, quas offérimus hóstias : ut, cui in hoc sæculo Pontificále donásti méritum, in cœlesti regno sanctórum tuórum júbeas jungi consórtio. Per Dóminum.

Postcommunio.

PROSIT, quæsumus Dómine, animæ famuli tui **N.** Pontificis Cardinalis, misericórdiæ tuæ imploráta cleméntia ; ut ejus, in quo sperávit et credidit, ætérnum cápiat, te miseránte, consórtium. Per Dóminum.

Pro Presbytero Cardinali defuncto, Oratio.

DEUS, qui inter Apostólicos sacerdotes, famulum tuum **N.** Presbyterum Cardinalem Sacerdotáli fecisti dignitáte vigére : præsta, quæsumus ; ut eórum quoque perpétuo aggregétur consórtio. Per Dóminum nostrum.

Secreta.

SUSCIPE, Dómine quæsumus, pro anima famuli tui **N.** Presbyteri Cardinalis, quas offerimus hostias : ut, cui in hoc sæculo Sacerdotale donasti meritum, in cœlesti regno Sanctorum tuorum jubeas jungi consortio. Per Dóminum.

Postcommunio.

PROSIT, quæsumus Dómine, animæ famuli tui **N.** Presbyteri Cardinalis, misericordiæ tuæ implorata cleméntia : ut ejus, in quo speravit et credidit, ætérnum capiat, te miserante, consortium. Per Dóminum.

Pro Diacono Cardinali defuncto, Oratio.

INCLINA, Dómine, aurem tuam ad preces nostras, quibus misericordiam tuam supplices deprecámur : ut animam famuli tui **N.** Diaconi Cardinalis, quam de hoc sæculo migrare jussisti, in pacis ac lucis regione constituas : et sanctorum tuorum jubeas esse consortem. Per Dóminum.

Secreta.

ANNUE nobis, quæsumus Dómine, ut animæ famuli tui **N.** Diaconi Cardinalis hæc prosit oblatio : quam immolando, totius mundi tribuisti relaxari delicta. Per Dóminum.

Postcommunio.

ABSOLVE quæsumus Dómine, animam famuli tui **N.** Diaconi Cardinalis, ab omni vinculo delictorum : ut in resurrectionis gloria, inter sanctos, et electos tuos resuscitatus respiret. Per Dóminum.

Pro Defuncto Sacerdote, Oratio.

DEUS, qui inter Apostolicos sacerdotes famulum tuum **N.** Sacerdotali fecisti dignitate vigere : præsta quæsumus ; ut eorum quoque perpétuo aggregetur consortio. Per Dóminum.

Secreta.

SUSCIPE, Dómine quæsumus, pro anima famuli tui **N.** Sacerdotis, quas offerimus hostias : ut, cui in hoc sæculo Sacerdotale donasti meritum, in

cœlesti regno Sanctorum tuorum jubeas jungi consortio. Per Dóminum.

Postcommunio.

PROSIT, quæsumus Dómine, animæ famuli tui **N.** Sacerdotis, misericordiæ tuæ implorata cleméntia : ut ejus, in quo speravit et credidit, ætérnum capiat, te miserante, consortium. Per Dóminum.

Si fuerint plures, dicatur ut supra in iv. Missa. 22.

Pro defuncto Episcopo, alia Oratio.

DA nobis, Dómine, ut animam famuli tui **N.** Episcopi, quam de hujus sæculi eduxisti laborioso certamine, sanctorum tuorum tribuas esse consortem. Per Dóminum.

Secreta.

ANNUE nobis, quæsumus Dómine, ut animæ famuli tui **N.** Episcopi hæc prosit oblatio : quam immolando, totius mundi tribuisti relaxari delicta. Per Dóminum.

Postcommunio.

HIS sacrificiis, quæsumus omnipotens Deus, purgata anima famuli tui **N.** Episcopi, ad indulgentiam, et refrigerium sempiternum pervenire mereatur. Per Dóminum.

Pro defuncto Sacerdote.

Et possunt dici pro pluribus in numero plurali.

Oratio.

PRÆSTA, quæsumus Dómine, ut anima famuli tui **N.** Sacerdotis, quem in hoc sæculo commorantem, sacris munéribus decorasti, in cœlesti sede gloriosa semper exultet. Per Dóminum.

Secreta.

SUSCIPE, Dómine quæsumus, pro anima famuli tui **N.** Sacerdotis, quas offerimus hostias : ut, cui Sacerdotale donasti meritum, dones et præmium. Per Dóminum.

Postcommunio.

PRÆSTA, quæsumus omnipotens Deus : ut animam famuli tui **N.**

Sacerdotis, in congregatione justorum, ætérnæ beatitudinis jubeas esse consortem. Per Dóminum.

Pro uno defuncto, Oratio.

INCLINA, Dómine, aurem tuam ad preces nostras, quibus misericordiam tuam supplices deprecámur : ut animam famuli tui, quam de hoc sæculo migrare jussisti, in pacis ac lucis regione constituas, et sanctorum tuorum jubeas esse consortem. Per Dóminum.

Secreta.

ANNUE nobis, quæsumus Dómine, ut animæ famuli tui hæc prosit oblatio : quam immolando, totius mundi tribuisti relaxari delicta. Per Dóminum.

Postcommunio.

ABSOLVE, quæsumus Dómine, animam famuli tui ab omni vinculo delictorum : ut in resurrectionis gloria, inter sanctos et electos tuos resuscitatus respiret. Per Dóminum.

Pro una defuncta, Oratio.

QUÆSUMUS Dómine, pro tua pietate miserere animæ famulæ tuæ : et a contagiis mortalitatis exutam, in ætérnæ salvationis partem restitue. Per Dóminum.

Secreta.

HIS sacrificiis, quæsumus Dómine, animæ famulæ tuæ a peccatis omnibus exuatur, sine quibus a culpa nemo liber extitit : ut per hæc piæ placationis officia, perpétuam misericordiam consequatur. Per Dóminum.

Postcommunio.

INVENIAT, quæsumus Dómine, anima famulæ tuæ lucis ætérnæ consortium, cujus perpétuæ misericordiæ consecuta est sacramentum. Per Dóminum.

Pro patre et matre Sacerdotis, Oratio.

DEUS, qui nos patrem et matrem honorare præcepisti : miserere cleménter animabus patris et matris

meæ, eorumque peccata dimitte; meque eos in ætérnæ claritatis gaudio fac vidére. Per Dóminum.

Secreta.

SUSCIPE sacrificium, Dómine, quod tibi pro animabus patris et matris meæ offero : eisque gaudium sempiternum in regione vivorum concede; meque cum illis felicitati Sanctorum conjunge. Per Dóminum.

Postcommunio.

COELESTIS participatio sacramenti, quæsumus Dómine, animabus patris et matris meæ réquiem et lucem obtineat perpétuam : meque cum illis gratia tua coronet ætérna. Per Dóminum.

Si pro patre tantum vel matre tantum, dicatur in singulari.

Oratio.

DEUS, qui nos patrem et matrem honorare præcepisti : miserere cleménter animæ patris mei, (vel matris meæ) ejusque peccata dimitte : meque eum (vel eam) in ætérnæ claritatis gaudio fac vidére. Per Dóminum.

Secreta.

SUSCIPE sacrificium, Dómine, quod tibi pro anima patris mei (vel matris meæ) offero : ei que gaudium sempiternum in regione vivorum concede; meque cum illo (vel illa) felicitati Sanctorum conjunge. Per Dóminum.

Postcommunio.

COELESTIS participatio sacramenti, quæsumus Dómine, animæ patris mei (vel matris meæ) réquiem et lucem obtineat perpétuam : meque cum illo (vel illa) gratia tua coronet ætérna. Per Dóminum.

Pro defunctis fratribus, propinquis, et benefactoribus, Oratio.

DEUS, véniæ largitor, et humanæ salutis amator : quæsumus cleméntiam tuam; ut nostræ congregationis fratres, propinquos, et benefactores, qui ex hoc sæculo transierunt, beata María semper Virgine intercedente cum omnibus Sanctis tuis, ad perpétuæ beatitudinis con-